

Ainda tin chance di mira exposicion "Mystique" na Biblioteca

ORANJESTAD (AAN): Biblioteca Nacional Aruba actualmente tin den su sala di actividad e exposicion hopi bon bishita, "Mystique", di e artista local Gyzah.

Mystique ta mas cu djis un coleccion di arte, e ta un viahe mistico/spiritual cu ta crusa frontera. 'Mystique' ta hiba bo Tibet, Mexico, Brasil, etc. Titulonnan manera 'Gateway to the heavens', 'Oubao', 'Forgotten roots', 'The sixth element', etc. ta 'mind-openers'.

Na mes momento tambe 'Mystique' ta trece nos back

cerca nos mes tocando nos alma, uniendo nos cu nos propio spiritualidad. E beyesa di e trabao di Gyzah ta resalta mas ainda ora bo realiza bo mes cu lo mistico ta un abstracto denter di un abstracto. Usando como medium acrilic y poniendo acerca su conocimiento y experiencia riba tereno spiritual, e artista ta logra haci e mundo mistico visibel pa wowonan mundano. Combinando esaki cu 2 poema di su propio persona, esaki ta crea un interaccion interesante den mente di e

observador/bishitante.

Gyzah ta laga sa di ta hopi contento cu e oportunidad brinda pa Biblioteca Nacional Aruba cu ta facilita acceso na arte pa grandi y chikito y specialmente pa cu su trabao.

Biblioteca ta invita un y tur pa bin experiencia un 'momento mistico'. 'Mystique' ta den sala di actividad di biblioteca te dia 23 di juni 2006, tur dia for di 10'or di mainta en adelante. E artista ta presente pa duna mas splicacion si ta desea esaki.